

續修四庫全書



《續修四庫全書》編纂委員會編

續修四庫全書

上海古籍出版社

二八八・史部・正史類

唐書合鈔二百六十卷首一卷

〔清〕沈炳震撰

唐書宰相世系表訂謫十二卷

〔清〕沈炳震撰

唐書合

鈔補正六卷

〔清〕丁子復撰

〔唐書合鈔卷一百七十三至卷二百三十九〕

……………

—

E189/08

據中國科學院圖書館藏清嘉慶十八年海寧查世倓刻本影印原書版
框高二〇八毫米寬二一九六毫米

唐書宰相世系表訂譌四
唐書合鈔
唐書合鈔補正

〔清〕沈炳震撰

〔清〕沈炳震撰

〔清〕丁子復撰

唐書卷第一百七十三

列傳十三

張獻誠

弟獻恭子

獻甫

路嗣恭

子應從新書增

曲環

崔漢衡

楊朝晟

樊澤

子宗師從新書增

李叔明

裴胄

張獻誠陝州平陸人幽州節度使幽州大都督府長史守珪之子也天寶末陷逆賊安祿山受偽官連陷史思明爲思明守汴州統逆兵數萬寶應元年冬東都平史朝義逃歸汴州獻誠不納舉州及所統兵歸國詔拜汴州刺史充汴州節度使封南陽郡公改實應軍左踰年

獻甫

一

來朝代宗寵賜甚厚三遷檢校工部尚書兼梁州刺史

充山南西道觀察使

新書作節度

廣德二年十月擒南山賊

帥高玉以獻承泰

二年正月獻名馬二絲絹雜貨共十

萬匹是月兼充劔南東川節度觀察使封鄧國公西川

崔旰殺郭英又獻誠率眾戰於梓州爲旰所敗獻誠僅

以身免大曆三年四月獻誠以疾上表乞歸私第仍薦

堂弟試太常卿兼右羽林將軍獻恭以自代詔許之以

獻誠檢校戶部尚書知省事八月獻誠以疾抗疏辭官

無幾卒於私第

獻誠喜功名爲政寬裕有機畧隨方制變而簡廉不逮於父

獻恭守珪之弟守瑜子累以軍功官至試太常卿兼右

羽林將軍代獻誠爲梁州刺史兼御史中丞充山南西

道節度觀察使大曆十二年七月獻恭破吐蕃萬餘眾

於岷州建中元年正月加檢校兵部尚書爲東都留守

三年正月爲太府卿容州刺史本管經畧招討使四年

七月與渾瑊盧杞司農卿段秀實與吐蕃尙結贊築壇

於京城之西會盟如清水之儀興元元年六月轉檢校

吏部尚書仍與一子正員官盧杞移饒州刺史給事中

袁高論其不可獻恭因入對紫宸殿上言高所奏至當

臣恐煩聖聽不敢縷陳其事德宗不悟獻恭復奏曰袁

高是陛下一良臣望特優異德宗顧謂宰臣李勉等曰

獻甫

二

朕欲授杞一小州刺史可乎對曰陛下授大州亦可其

奈士庶失望何獻恭守正不撓也如此

獻甫守珪弟左武衛將軍贈戶部尚書守琦之子獻甫

少隨諸兄從軍初爲偏裨以軍功累授試光祿卿殿中

監河中節度副元帥都知兵馬使檢校兵部尚書兼御

史大夫建中初從節度使賈耽征梁崇義於襄漢以功

加太子詹事及幸奉天興元獻甫首至從渾瑊征討有

功及復京邑入爲金吾將軍

檢校工部尚書

時李懷光未平吐

蕃侵擾西邊獻甫領禁軍出鎮咸陽凡累年軍民悅之

貞元四年遷檢校刑部尚書兼邠州刺史邠寧慶節度

觀察使代韓遊瓌領鄂寧節度使鄂寧軍素驍悍獻甫嚴因遊瓌去遂縱掠遊范希朝為帥都將楊朝晟誅首亂者乃於彭原置義倉方渠馬嶺等縣選險要

之地以為烽堡又上疏請復鹽州及洪門洛原等鎮各

置兵防以備蕃寇朝廷從之獻甫遣兵馬使魏光遠吐蕃築鹽夏二城虜眾畏不敢入

貞元四年九月吐蕃將尚志董星論莽羅等寇寧

州獻甫率眾禦之斬首百餘級吐蕃遁邊城上下有貞脫文

元十二年加檢校左僕射五月丙申卒年六十一廢朝

三日贈司空贈物有差

獻恭子煦嘗從獻甫征討積戰功累遷至夏州節度使

元和八年十二月振武軍逐出節度使李進賢而屠其

唐書三 路嗣恭

三

家殺判官嚴澈憲宗怒遣煦以夏州兵二千人赴振武

仍許以便宜擊斷九年正月賜絹三萬匹以助軍資河

東節度使王鐸遣兵五千會煦於善羊柵詔煦入振武

誅作亂蘇國珍等二百五十三人乃定是歲十二月卒

贈太子太保

路嗣恭字懿京兆三原人始名劍客歷仕郡縣有能名

累至神烏令考績上上為天下最以其能賜名嗣恭始名

劍客以世蔭為鄉尉唐武宗時河朔表為肅關令連徒

神烏姑賊二縣考績為天下最元宗以為可嗣漢魯恭

因賜名轉渭南令主杜化東陽二縣時關畿歷工部尚

書兼御史大夫靈州大都督府長史充關內副元帥郭

子儀副使知朔方節度營田押諸蕃部落等使嗣恭披

荆棘以守之大將御史中丞孫守亮握重兵倔強不受

制嗣恭稱疾召至因殺之威信大行大厯三年檢校刑

部尚書知省事大厯六年七月本紀七年正月當從紀為江南西

道都團練觀察使在官恭恪善理財賦買明觀者事北

軍都虞候劉希暹魚朝恩誅希暹從坐明觀積惡犯眾

怒時宰相元載受賂遣江南効力魏少遊承載意苟容

之及嗣恭代少遊即日杖殺識者稱之大厯八年嶺南

將哥舒晃殺節度使呂崇賁反五嶺騷擾詔加嗣恭兼

嶺南節度觀察使封翼嗣恭擢流人孟瑤敬晃使分其

唐書三 路嗣恭

四

務瑤主大軍當其衝晃自問道輕入招集義勇得八十

人以撓其心腹二人皆有全策詭計出其不意遂斬晃

及誅其同惡萬餘人築為京觀俚洞之宿惡者皆族誅

之五嶺削平拜檢校兵部尚書知省事嗣恭起於郡縣

吏以至大官皆以恭恪為理著稱及平廣州商舶之徒

多因晃事誅之嗣恭前後沒其家財寶數百萬貫盡入

私室不以貢獻代宗心甚銜之故嗣恭雖有平方面功

正轉檢校兵部尚書無所酬勞及德宗即位楊炎受其

貨始叙前功除兵部尚書東都留守尋加懷鄭汝陝四

州河陽三城節度及東都畿觀察使徵至京師卒時年

七十一廢朝一日贈左僕射

子應恕應字從祖以蔭爲

刺史詔嗣父封鑿嶺石梗險以通舟道德宗時李泌爲相號得君帝嘗曰誰於卿有恩者朕能報之泌乃言爲元載所疾竊江西路嗣恭與載厚臣嘗畏之會與其子應並驅馬鬪其脛臣惶恐不自安應聞不言勉起見臣臣常歎其長者思有以報帝曰善即日加應檢校屯田郎中服金紫累遷宣歙池觀察使封襄陽郡王李錡反應發兵救湖常二州以故錡常侍卒諡曰靖

子恕字體仁初嶺南衙將哥舒晃反詔嗣恭自江西致討授檢校工部員外郎得以軍前便宜從事俄而降者

繼路於是擢降將伊慎推心用之賊平恕功居多年纔

三十爲懷州刺史嗣恭節度河南楊炎用并魏博爲時嗤詆久之轉京兆少

尹監門衛太將軍兼御史中丞教練招討等使其後爲

霍童三 路嗣恭

五

鄜坊觀察使太子詹事坐事貶吉州刺史遷太子賓客以右散騎常侍致仕卒年七十三贈洪州都督恕私第有佳林園自貞元初李紆包信重迄于元和末僅四十年朝之名卿咸從之遊高歌縱酒不屑外慮未嘗問家事亦以和易稱之

曲環陝州安邑人也父彬爲南使正監因家於隴右以環故累贈兵部尚書環少讀兵書尤以勇敢騎射聞天寶中從哥舒翰攻拔石堡城收黃河九曲洪濟等城累授果毅別將安祿山反從襄陽節度魯炆守鄧州拒賊將武令珣戰數十合環功居多超授左清道率又從李

抱玉守河陽南城尋別將兵守澤州破賊驍將安曉敕

特拜羽林將軍又將別部兵合諸軍同討史朝義平河

北累轉金吾大將軍並同正員隨李抱玉移軍京西大

厓中領兵隴州頻破吐蕃加特進太常卿上初嗣位吐

蕃大寇劍南詔環以邠隴兵五千馳往大破戎虜收七

盤城威武軍及維茂二州西戎奔遁環大振功名而還

加太子賓客賜以名馬與諸將討涇州叛將劉文喜平

之加開府儀同三司兼御史中丞充邠隴兩軍都知兵

馬使封晉昌郡王時李納擁兵侵逼徐州令環與劉元佐同

救援累破李納逆黨環以功最加御史大夫建中三年

霍童三 曲環

六

十月加檢校左常侍充邠隴行營節度使李希烈侵陷

汴州環與諸軍守固寧陵陳州大破希烈軍於陳州城

下殺逆黨三萬五千人擒其驍將翟暉以獻希烈因遁

歸蔡州環以功加檢校工部尚書兼陳州刺史希烈平

加環兼許州刺史陳許等州節度觀察加實封三百戶

陳蔡二州以希烈擾亂遭剽劫頗甚人多逃竄他邑以

避禍環勤身恭儉賦稅均平政令寬簡不三二歲襁負

而歸者相屬訓農理戎兵食皆豐羨十二年加檢校左

僕射卒時年七十四廢朝一日贈司空賻布帛米粟有差

崔漢衡博陵人也性沉厚寬博善與人交釋褐授沂州費令滑州節度使令孤彰奏署掌記累遷殿中侍御史大厯六年拜檢校禮部員外郎爲和吐蕃副使還遷右司郎中改萬年令建中三年爲殿中少監兼御史大夫充和蕃使與吐蕃使區頰贊至自蕃中時吐蕃大相尙結息忍而好殺以常覆敗於劍南思刷其耻不肯約和其次相尙結贊有材畧因言於贊普請定界明約以息邊人贊普然之竟以結贊代結息爲大相約和好期以十月十五日會盟於境上戊申以漢衡爲鴻臚卿四年吐蕃朝貢加檢校工部尙書復使吐蕃興元初上居奉

唐書主 崔漢衡 七

天吐蕃遣師佐渾瑊敗朱此兵於武功以功轉檢校兵部尙書兼祕書監西京留守無幾眞拜兵部尙書爲東都淄青魏博賑給宣慰使明年爲幽州宣慰使所至皆稱職貞元三年副侍中渾瑊與吐蕃會盟於平涼吐蕃背約城僅免時無備預在會免者什無一二士卒死者以千數漢衡與同陷者並至河州結贊令召之以煩使於蕃結贊素信重與孟日華中官劉延邕俱至石門而遣五騎送至境上四年七月加檢校吏部尙書晉慈隰觀察使尋加都防禦使十一年四月卒

贈尙書左僕射

楊朝晟字叔明夏州朔方人也初在朔方爲步軍先鋒

嘗有功授甘泉府果毅建中初從李懷光討劉文喜于涇州斬獲生擒居多授驃騎大將軍稍爲右先鋒兵馬使後李納寇徐州從唐朝臣征討嘗冠軍鋒以功授開府儀同三司檢校太子賓客上在奉天李懷光自山東赴難以朝晟爲左廂兵馬使將千餘人下咸陽以挫朱泚加御史中丞實封一百五十戶及懷光反于河中朝晟被脅在軍上幸梁洋韓遊瓌退于邠寧懷光以嘗在邠寧迫制如屬城以賊黨張昕在邠州摠後務昕懼難作乃大索軍資徵卒乘約明潛發歸于懷光朝晟父懷賓爲遊瓌將因夜以數十騎斬昕及同謀遊瓌卽日使

唐書主 楊朝晟

八

懷賓奉表聞奏上召勞問授兼御史中丞正除遊瓌邠寧節度使間諜至河中朝晟聞其事泣告懷光曰父立功於國子合誅戮不可主兵矣懷光遂繫之及諸軍進圍河中韓遊瓌營于長春宮懷賓身當戰伐及懷光平上念其忠俾副元帥渾瑊特原朝晟遂爲遊瓌都虞候時父子同軍皆爲開府賓客御史中丞榮於軍中後詔徵遊瓌宿衛以左金吾將軍張獻甫爲檢校刑部尙書兼御史大夫邠寧慶節度觀察使代韓遊瓌初遊瓌以吐蕃犯塞自將兵戍寧州及受代以是月壬子夜輕騎潛遁歸闕其將卒素驕怠畏張獻甫之嚴因遊瓌夜出

衙內千餘人遂叛掠且因監軍楊明義邀奏出奔將范希朝為節度朝晟時為都虞候初逃於郊翼日乃來給其眾曰所請甚愜我來賀也由是稍安朝晟及諸將謀誅首惡者經數日乙卯朝晟率諸將以告曰前請者不獲張尚書昨日已入邠州汝等皆當死吾不能盡殺各言戎首以歸罪焉餘無所問於是眾中唱二百餘人立斬之乃定上擢希朝為寧州刺史以副獻甫獻甫入奏朝晟功加御史大夫九年城鹽州徵兵以護外境朝晟分統土馬鎮木波獻甫卒詔以朝晟代之其年丁母憂起復左金吾大將軍同正邠州刺史大夫如故十三年

舊唐書 楊朝晟 九

春朝晟奏方渠合道木波皆賊路也請城其地以備之詔問所須幾何朝晟奏曰臣部下兵自可集事不煩外助復問前築鹽州凡興師七萬今何其易也朝晟曰鹽州之役諸軍蕃戎盡知之今臣境迫虜若大興兵即蕃戎來寇寇則戰戰則無暇城矣今請密發軍士不十日至塞下未三旬而功畢蕃人始來乘障數日而退初軍次方渠無水師徒驚然遽有青蛇乘高而下視其蹟水隨而流朝晟令築防環之遂為停泉軍人仰飲以足圖其事上聞詔置祠焉命泉曰廉聖已城吐蕃悉眾至度地三十五年二月免喪加檢校工部尚書是夏以防秋

移軍寧州遭疾來年正月卒十七年卒于屯案德宗紀樊澤字安時河中也父詠開元中舉草澤授試大理評事累贈兵部尚書澤長於河朔相循節度薛嵩奏為磁州司倉堯山縣令建中元年舉賢良對策澤舉賢良關兩淖困不能前有熊執易者同舍逆旅哀之方正次潼轍所乘馬傾緒以濟自罷所舉是歲澤上第禮部侍郎于邵厚遇之與楊炎善薦為補闕歷都官員外郎澤好讀兵書朝廷以其有將帥材尋兼御史中丞充通和蕃使蕃中用事宰相尚結贊深禮之尋從鳳翔節度張鑑與吐蕃會盟於清水遷金部郎中御史中丞山南節度行軍司馬時李希烈背叛詔以普王為行軍元帥徵

舊唐書 樊澤

澤為謀議大夫元帥行軍右司馬屬駕幸奉天普王不行澤改右庶子兼中丞復為山南東道行軍司馬尋代賈耽為襄州刺史兼御史大夫山南東道節度觀察等使澤有武藝每與諸將射獵常出其右人心服之賊眾畏焉類與李希烈兇黨接戰前後擒降其驍將張嘉瑜杜文朝梁俊之李克誠薛翼等收唐隨二州希烈既平澤丁母憂起復右衛大將軍同正餘如故三年代張伯儀案本紀代嗣曹儀王早非代伯儀為荆南節度觀察等使江陵尹兼御史大夫三歲加檢校禮部尚書會襄州節度曹王臯卒於鎮軍中剽劫擾亂以澤威惠素著於襄漢復代曹王

臯爲襄州刺史山南東道節度使十二年加檢校右僕射卒年五十贈司空十四年卒年五十七謚曰成賜布帛米粟有差

其日將宴百官廢朝改取他日子宗師字紹述始爲國子主簿元和三年擢軍

謀宏遠科授著作郎歷金部郎中綿州刺史徙絳州治有迹進諫議大夫未拜卒始宗師家饒於財悉施散姻舊賓客妻子告不給宗師笑不答然力學多通解著春秋傳恩紀公樊子凡百餘篇別集尙多韓愈稱宗師論議平正有經據

李叔明字晉卿閬州新政人本姓鮮于氏代爲豪族兄

仲通天寶末爲京兆尹劔南節度使兄弟並涉學輕財

好施叔明初爲劔南節度使楊國忠判官乾元後爲司

勳員外郎副漢中王瑀使回紇回紇接禮稍倨叔明離

唐書三 樊華

士

位責之曰大國通好賢王奉使可汗於大唐子壻豈可

恃微功而傲乎唐法不然可汗改容加敬復命遷司門

郎中後爲京兆少尹東都平拜洛陽令招徠遺民號能吏擢商州刺史上津轉運使遷京

兆尹長安歌曰前尹赫赫具瞻允斯無幾以疾辭除右庶子出

爲邛州刺史尋拜東川節度遂州刺史後移鎮梓州檢

校戶部尙書建中初吐蕃襲火井掠龍州陷扶文遠三州叔明分五將邀擊走之以功加檢校戶

部尙書梁崇義阻命詔引兵下峽戰荆門敗其眾襄州平遷檢校尙書左僕射時東川兵荒之

後凋殘頗甚叔明理之近二十年招撫吐庶夷落獲安

大厯末有閬州嚴氏子上疏稱叔明少孤養子於外族

遂冒姓焉請復之詔從焉叔明初不知其從外氏姓意

醜其事遂抗表乞賜宗姓代宗以戎鎮寄重許之仍寘

嚴氏子於法及駕幸奉天叔明出家貲助軍悉衣幣嚴

其子昇翊從叔明每私疏誠勵見危臨難當誓以死昇

奉父嚴訓果著勲効識者嘉之昇以少卿從有功擢禁

詹事坐部國公叔明旣朝京師以足疾賜錦輦令以本

官兼右僕射乞骸骨改太子太傅致仕卒謚曰襄叔明

摠戎年深積聚財貨子孫驕淫歿纔數年遺業蕩盡

裴胄字肩叔其先河東聞喜人今代堇河南伯父寬禮

部尙書有名於開元天寶間胄明經及第解褐補太僕

寺主簿屬二京陷覆淪避他州賊平授祕書省正字累

唐書三 李叔明

士

轉祕書郎陳少遊陳鄭節度留後奏胄試大理司直少

遊罷隴右節度李抱玉奏授監察御史不得意歸免陳

少遊爲宣歙觀察復辟在幕府抱玉怒奏貶桐廬尉浙

西觀察使李栖筠有重望虛心下士幕府盛選才彥觀

察判官許鴻漸書謙有學識栖筠嘗異席事多咨之崔

造軍皆所薦引一見胄深重之薦於栖筠奏授大理評

事觀察支度使代宗以元載廢察朝綱微栖筠入朝內

制授御史大夫方將大用載怙權栖筠居顧問刺舉之

職與不平引胄殿中侍御史九爲載所惡及栖筠卒胄護栖筠喪歸洛

陽眾論危之胄坦然行心無所顧望淮南節度陳少遊

奏檢校主客員外兼侍御史觀察判官尋為行軍司馬

載誌始拜刑部員外郎

遷宣州刺史楊炎初作相銳意為元載報

讐凡其枝黨無漏適會胄部人計胄官時服維俸錢為
贓者炎命酷吏員寓深按其事貶汀州司馬尋徵為少
府少監除京兆少尹以父名不拜換國子司業遷河南
觀察都團練使移江南西道前江西觀察使李兼罷省
南昌軍千餘人收其資糧分為月進胄至奏其本末罷
之會荆南節度樊澤移鎮襄陽宰相方議其人上首命
胄代澤仍兼御史大夫胄簡儉恒一時諸道節度觀察
使競剝下厚斂制奇錦異綾以進奉為名中貴人宣命

唐書卷一百七十三

三

必竭公藏以買其歡胄待之有節皆不盈數金常賦之
外無橫斂宴勞禮止三爵未嘗酣樂時武臣多廝養畜
賓介微失則奏流死胄以書生始奏貶書記梁易從君
子薄其進退賓客不以禮物議薄之貞元十九年十月
卒時年七十五贈右僕射謚曰成

史臣曰三獻軍謀臣節克紹家風路嗣恭從微至著執
法簡廉環理兵勸農獨彰善政漢衡誠懇奉職朝成忠
孝權謀澤威惠荆襄叔明見危誓死立政惠民胄抱義
危行守政奉公皆賢帥矣然嗣恭聚財為功名之瑕玷
叔明聚財致子孫之驕淫財之汚人誠可誠也

贊曰張路曲崔樊楊李裴守忠臣之道皆賢帥之才

唐書卷第一百七十三

唐書卷一百七十三

七

唐書卷第一百七十四

劉晏

劉晏

孫蒙

李衡

包佶

皆從新書增

遷孫蒙

元瑒

裴麟

第五琦

班宏

王紹

李異

劉晏字士安曹州南華人年七歲舉神童授秘書省正字累授夏縣令有能名歷殿中侍御史

右職固辭移書房瑄論封建與古異今遷度支郎中

諸王出深宮一旦望極文功不可致度支郎中

乃與探訪使李希言謀拒之希言假晏守餘杭會戰不

利走依晏晏為陳可守計因發義兵堅壁會王敗欲轉

畧州縣聞晏有備遂至晉陵西走終不言功召拜彭原

太守杭隴華三州刺史尋遷河南尹時史朝義盜據東都

寄理長水人為京兆尹頃之加戶部侍郎兼御史中丞

判度支京兆尹鄭叔清李齊物坐委府事於司錄張羣

杜亞綜大體議論號為稱職無何為酷吏敬羽所構會

農卿嚴莊下獄已而釋劾劾晏貶通州刺史復入為京

兆尹戶部侍郎判度支時顏真卿以文學正直出為利

州刺史晏舉真卿自代為戶部乃加國子祭酒又以京

武寶應二年遷吏部尚書平章事領度支鹽鐵轉運租

庸使坐與中官程元振交通元振得罪晏罷相為太子

賓客尋授御史大夫領東都河南江淮山南等道轉運

租庸鹽鐵使如故時新承兵戈之後中外艱食京師米

價斗至一千宮厨無兼時之積禁軍之食畿縣百姓乃

按穗以供之晏受命後以轉運為已任凡所經歷必究

利病之由至江淮以書遺元載曰浮于江河達于汴入

于河西循底柱硤石少華楚帆越客直抵建章長樂此

安社稷之奇策也晏實于東朝猶有官謗相公終始故

舊不信流言賈誼復召宣室宏羊重興功利敢不悉力

以答所知驅馬陝郊見三門渠津遺迹到河陰鞏洛見

宇文愷置梁公堰分黃河水入通濟渠大夫李傑新堤

故事飾像河廟凜然如生涉榮郊浚澤遙瞻淮甸步步

探討知昔人用心則潭衡桂陽必多積穀關輔汲汲只

緣兵糧漕引瀟湘洞庭萬里幾日淪波掛席西指長安

三秦之人待此而飽六軍之眾待此而強天子無側席

之憂都人見泛舟之役四方旅拒者可以破膽三河流

離者於茲請命相公匡戴明主為富人侯此今之切務

不可失也使僕前洗瑕穢率罄愚懦當憑經義請護河

隄宜勤在官不辭水死然運之利病各有四五焉晏自

尹京入為計相共五年矣京師三輔百姓唯苦稅畝傷

多若使江湖米來每年三二十萬卽頓減徭賦歌儺皇

澤其利一也東都殘毀百無一存若米運流通則饑人

皆附村落邑屋從此滋多命之日引海陵之倉以食鞏

皆附村落邑屋從此滋多命之日引海陵之倉以食鞏

洛是計之得者其利二也諸將有在邊者諸戎有侵敗王畧者或聞三江五湖貢輸紅粒雲帆桂楫輸納帝鄉軍志曰先聲後實可以震耀夷夏其利三也自古帝王之盛皆云書同文車同軌日月所照莫不率俾今舟車既通商賈來往百貨雜集航海梯山聖神輝光漸近貞觀永徽之盛其利四也所可疑者函陝凋殘東周九甚過宜陽熊耳至武牢成皋五百里中編戶千餘而已居無尺椽人無煙爨蕭條悽慘遊鬼哭牛必羸肉輿必說輓棧車輓漕亦不易求今於無人之境興此勞人之運固難就矣其病一也河汴有初不修則毀澱故每年

唐書王后 劉晏

三

正月發近縣丁男塞長焚決沮淤清明桃花已後達水自然安流陽侯宓妃不復太息頃因寇難摠不掘拓澤減水岸石崩役夫需於沙津吏旋於潭千里河上罔水舟行其病二也東垣底柱澠池二陵北河運處五六百里戍卒久絕縣吏空拳奪攘姦宥窟穴囊橐夾河爲藪豺狼信信舟行所經寇亦能往其病三也東自淮陰西臨蒲坂亘三千里屯戍相望中軍皆鼎司元侯賤卒儀同青紫每云食半菽又云無挾纈輓漕所至船到便留卽非單車使折簡書所能制矣其病四也惟小子畢其慮奔走之惟中書詳其利病裁成之晏累年已來事缺

名毀聖慈含育特賜生全月餘家居遽卽臨遣恩榮感切思殞百身見一水不通願荷鋪面先往見一粒不運願負米而先趨焦心苦形期報明主丹誠未克漕引多虞屏營中流掩泣獻狀自此每歲運米數十萬石以濟關中歲輸始至天子大悅遣衛士以鼓吹又至德初爲國用不足令第五琦於諸道推鹽以助軍用及晏代其任法益精密官無餘利初歲入錢六十萬貫季年所入逾十倍而人無厭苦大厯末通計一歲征賦所入摠一千二百萬貫而鹽利且過半累遷吏部尚書大厯四年六月與右僕射裴遵慶同赴本曹視事敕尚食增置儲

唐書王后 劉晏

四

供許內侍魚朝恩及宰臣已下常朝官咸詣省送上八年知三銓選事十二年三月誅宰臣元載晏奉詔訊鞠晏以載居任樹黨布於天下不敢專斷請他官其事敕御史大夫李涵右散騎常侍蕭昕兵部侍郎袁係禮部侍郎常衮諫議大夫杜亞同推載皆款伏初晏承旨門下侍郎同平章事王縉亦處極法晏謂縉等曰重刑再覆國之常典況誅大臣得不覆奏又法有首從二人同刑亦宜重取進止涵等從命及晏等覆奏代宗乃減縉罪從輕縉之生晏平反之力也十三年十二月爲尚書左僕射時宰臣常衮專政以晏久掌銓衡時議平允兼

司儲蓄職舉功深慮公望日崇上心有屬竊忌之乃奏
晏朝廷舊德宜爲百吏司長外示崇重內實去其權及
奏上以晏使務方理代其任者難其人使務知三銓並
如故李靈曜之亂也河南節帥所據多不奉法令征賦
亦隨之州縣雖益減晏以美餘相補人不加賦所入仍
舊議者稱其能自諸道巡院距京師重價募疾足置遞
相望四方物價之上下雖極遠不四五日知故食貨之
重輕盡權在掌握朝廷獲美利而天下無甚貴甚賤之
憂得其術矣每朝謁馬上以鞭算實明視事至夜分止
雖休澣不廢事無閑劇即日剖決無留
凡所任使多收後進有幹能者其所摠領務乎急促趨

臺書百劉晏

五

利者化之遂以成風當時權勢或以親戚爲託晏亦應
之俸給之多少命官之遲速必如其志然未嘗得親職
事其所領要務必一時之選故晏沒後二十餘年韓洄
元琇裴腆包佶盧徵李衡繼掌財賦皆晏故吏其部吏
居數千里之外奉教令如在目前雖寢興宴語而無欺
給四方動靜莫不先知事有可賀者必先上章奏江淮
茶橘晏與本道觀察使各歲貢之皆欲其先至有土之
官或封山斷道禁前發者晏厚以財力致之常先他司
由是甚不爲藩鎮所便晏理家以儉約稱而重交敦舊
頗以財貨遺天下名士故人多稱之所居修行里粗糲
庫陋飲食儉狹室

無廢善訓諸子咸有學藝任事十餘年權勢之重鄰於
宰相要官重職頗出其門既有材力視事敏速乘機無
滯然多任數挾權貴固恩澤有口者必利啗之當大厯
時事貴因循軍國之用皆仰於晏未嘗檢轄德宗嗣位
言事者稱轉運可罷多矣初楊炎爲吏部侍郎晏爲尙
書各恃權使氣兩不相得炎坐元載貶晏快之昌言於
朝及炎入相追怒前事且以晏與元載隙憾時人言載
之得罪晏有力焉炎將爲載復讎又時人風言代宗寵
獨狐妃而又愛其子韓王迴晏密啟請立獨狐爲皇后
炎因對敕流涕奏言賴祖宗福祐先皇與陛下不爲賊

臺書百劉晏

六

臣所間不然劉晏黎幹之輩搖動社稷凶謀果矣今幹
以伏罪晏猶領權臣爲宰相不能正持此事罪當萬死
崔祐甫奏言此事曖昧陛下以廓然大赦不當究尋虛
語朱泚崔寧又從傍與祐甫救解之寧言頗切炎大怒
故斥寧令出鎮鄜坊以摧挫之遂罷晏轉運等使尋貶
爲忠州刺史炎欲誣構其罪知庾準與晏素有隙舉爲
荆南節度以伺晏動靜準乃奏晏與朱泚書祈救解言
多怨望炎又證成其事上以爲然是月庚午晏已受誅
使迴奏報誣晏以忠州謀叛下詔暴言其罪時年六十
六天下冤之家屬徙嶺表連累者數十人建中元年七
月詔中人賜

晏死後十九日賜卹詔書乃下時晏剛定便議補設
眾論不可乃止然已命簿錄其家產雖書兩乘米麥數
與人服其廉濫青節度使李正己表誅晏太暴不
加驗實先誅後詔天下駭惋請還其妻子不報 貞元

五年上悟方錄晏子執經授太常博士少子宗經祕書

郎終給事中執經上請削官贈父特追贈鄭州刺史

子蒙字仁澤舉進士累官度支郎中會昌初擢給事中
以材為宰相李德裕所倚賴宣慰靈夏以北党項使始議
遣按邊調兵械糧餉為宣慰靈夏以北党項使始議
造木牛運宜宗立德裕得罪蒙貶朗州刺史終大理卿
○晏兄選為汾州刺史天資疾惡所至以方直為觀察
使所畏建中末召為御史大夫宰相盧杞懼其嚴更薦
前河南尹于頔代之選終湖州刺史○選孫潼字子固
擢進士第杜棕判度支表為巡官累遷祠部郎中大中
初討党項羌軍食乏宰相欲以潼為使難其遣潼見宰
相曰上念邊餽議遣使潼畏不稱耳安敢彈行遂命為
供軍使會復河湟調師屯守以潼判度支河湟供軍案歷
京兆少尹山南有劇賊依山為剽宣宗怒欲討之宰相

唐書 卷一百一十四

一

崔鉉口此陛下赤子迫於饑寒弄兵山谷間不足討請
使諭釋之詔潼馳往潼挺身直叩其壘曰有詔赦爾
盜皆列拜約潼就館而降會山南節度使封放遣兵擊
賊潼罷歸數陳邊事擢諫議大夫出為朔方靈武節度
使坐累貶鄭州刺史改湖南觀察使召為左散騎常侍
拜昭義節度使鄭州刺史又徙西川時李福討南詔兵不
潼至與恩信皆如約六姓蠻持兩端為南詔間候
有甲籠部者請討之潼因出兵襲擊俘五千南詔
大懼自是不敢犯邊以功加檢校尚書右僕射卒贈司
空。元璵後以尚書右丞判度支國無橫斂而軍旅濟
為韓滉所惡貶雷州司戶參軍坐私入廣州賜死。裴
璣以兵部侍郎判度支封開喜縣公。李德裕戶部侍郎
郎。包佶字幼正潤州延陵人父融集賢院學士與賀
知章張旭張若虛有名著當時號吳中四士佶擢進士第
累官諫議大夫坐善元載貶嶺南晏奏起為汴東兩稅
使晏罷以佶充諸道鹽鐵輕貨錢物使遷刑部侍郎改
祕書監封丹陽郡公

第五琦字馬京兆長安人少孤事兄華敬順過人及長

有吏才以富國強兵之術自任天寶初事韋堅堅敗貶
官累至西江丞時太守賀蘭進明甚重之會安祿山反
進明遷北海郡太守奏琦為錄事參軍祿山已陷河間
信都等五郡進明未有戰功元宗大怒遣中使封刀促
之曰收地不得即斬進明之首進明惶懼莫知所出琦
乃勸令厚以財帛募勇敢士出奇力戰遂收所陷之郡
令琦奏事至蜀中琦得謁見奏言方今之急在兵兵之
強弱在賦賦之所出江淮居多若假臣職任使濟軍須
臣能使賞給之資不勞聖慮元宗大喜即日拜監察御
史肅宗駐彭原進明遣琦奏勾當江淮租庸使尋拜殿
事云云帝悅拜監察御史勾當江淮租庸使尋拜殿

唐書 卷一百一十四

入

中侍御史員外郎尋加河南等五道度支使促辦應卒
事無違闕遷司金郎中兼御史中丞使如故於是創立
鹽法就山海井竈收權其鹽官置吏出糶其舊業戶并
浮人願為業者免其雜徭隸鹽鐵使盜煮私市罪有差
百姓除租庸外無得橫賦人不益稅而上用以饒遷戶
部侍郎兼御史中丞專判度支領河南等道支度都勾
當轉運租庸鹽鐵鑄錢司農太府出納山南東西江西
淮南館驛等使乾元二年以本官加同中書門下平章
事初琦以國用未足幣重貨輕乃請鑄乾元重寶錢以
一當十行用之及作相又請更鑄重輪乾元錢一當五

十與乾元錢及開元通寶錢三品並行既而穀價騰貴
餓殍死亡枕籍道路又盜鑄爭起中外皆以琦變法之
弊封奏日聞乾元二年十月貶忠州長史既在道有告
琦受人黃金二百兩者遣御史劉期光追按之琦對曰
二百兩金十三斤重忝爲宰相不可自持若其付受有
憑卽請準法科罪期光以爲此是琦伏罪也遽奏之請
除名配流夷州馳驛發遣仍差綱領送至彼寶應初起
爲朗州刺史甚有能政入遷太子賓客屬吐蕃寇陷京
師代宗幸陝關內副元帥郭子儀請琦爲糧料使兼御
史大夫充關內元帥副使未幾改京兆尹車駕克復專

舊唐書第五琦

九

判度支兼諸道鑄錢鐵轉運常平等使累封扶風郡
公又加京兆尹改戶部侍郎判度支前後領財賦十餘
年魚朝恩伏誅琦坐以款狎出爲虔州刺史魑魅湖二
州入爲太子賓客東都留司上以其材將復任用召還
京師信宿而卒年七十年七十一贈太子少保子峯峯婦鄭
氏皆以孝著旌表其門

班宏衛州汲人也祖思簡春官員外郎父景倩祕書監
宏少舉進士授右司禦曹曹後爲薛景先鳳翔掌書記
又爲高適劔南觀察判官累拜大理司直攝監察御史
時青城山有妖賊張安居以左道惑眾事覺多誣引大

將冀以緩死宏驗理而速殺之人心乃安既而郭英乂
代適以厭人望奏署祕書郎兼雒令以疾免大曆三年
遷起居舍人尋兼理匭使四遷至給事中時李寶臣卒
於其位子惟岳匿喪求位上遣宏使成德問疾且喻之
惟岳厚賂宏皆不受還報合旨遷刑部侍郎兼京官考
使時右僕射崔寧考兵部侍郎劉迺上下宏駁曰夷荒
靖難專在節制尺籍伍符不校省司夫上行虛美之名
則下開趨競之路上行阿容下必朋黨因削去之迺知
而謝曰迺雖不敏敢掠一美以徼二罪乎尋除吏部侍郎
爲吐蕃會盟使李揆之副貞元初仍歲旱蝗上以賦

舊唐書班宏

十

調爲急改戶部侍郎爲度支使韓滉之副遷尙書復副
實參參初爲大理司直宏已爲刑部侍郎及參爲相領
度支上以宏久司國計因令副之且曰朕藉參宰相以
臨遠眾務悉委於卿勿以辭也參以宏先貴常私解悅
之曰參後來一朝居尙書之上甚不自安一年之後當
歸此使宏心喜歲餘參絕不復言宏性剛愎爲人間之
且怒食言公事多異揚子院鹽鐵轉運委藏也宏以御
史中丞徐粲主之既不理且以賄聞參欲代之宏執不
可參又選諸院吏未嘗訪宏乃疏參所用者過惡以聞
事輒留中無何參以使勞加吏部尙書而宏進封蕭國